



Javna ustanova „Služba za zapošljavanje Kantona Sarajevo“ Sarajevo, u skladu sa članom 9. stav 2. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“, br. 4/04, 29/09, 18/13 i 23/24), te Programa mjera za podsticaj zapošljavanja i održavanja više stope zaposlenosti i poboljšanja strukture zaposlenih u Kantonu Sarajevo u 2024. godini broj: 02-04-7734-42.1/24, utvrđen Zaključkom Vlade Kantona Sarajevo broj: 02-04-7734-42/24 od 07.03.2024.godine i Programom o izmjenama i dopunama Programa mjera za podsticaj zapošljavanja i održavanja više stope zaposlenosti i poboljšanje strukture zaposlenih u Kantonu Sarajevo u 2024. godini, broj: 02-04-36792-1.1/24, utvrđen Zaključkom Vlade Kantona Sarajevo broj: 02-04-36792-1/24 od 16.07.2024. godine, o b j a v l j u j e;

JAVNI POZIV NEZAPOSLENIM OSOBAMA DA SE PRIJAVE ZA UČEŠĆE U PROGRAMU SAMOZAPOŠLJAVANJA START UP

I

U cilju realizacije Programa mjera za podsticaj zapošljavanja i održavanja više stope zaposlenosti u Kantonu Sarajevo u 2024. godini, Javna ustanova «Služba za zapošljavanje Kantona Sarajevo» Sarajevo (u daljem tekstu: Služba), poziva nezaposlene osobe prijavljene na evidenciju nezaposlenih u Kantonu Sarajevo da se prijave za učešće u Programu samozapošljavanja START UP.

Cilj Programa (u daljem tekstu: Program) je kraće trajanje nezaposlenosti i stimulisanje samozapošljavanja.

Pravo učešća u Programu imaju nezaposlene osobe prijavljene na evidenciju nezaposlenih u Kantonu Sarajevo, a koje imaju osnovne pretpostavke za bavljenje samostalnom djelatnošću u Kantonu Sarajevo i koje do dana podnošenja prijave nisu koristili poticajna sredstva koja potiču iz Budžeta Kantona Sarajevo i/ili budžetskih jedinica lokalnih samouprava, Službe, Federalnog zavoda za zapošljavanje ili donatorskih organizacija za iste aktivnosti za koje su podnijeli aplikaciju za dodjelu grant sredstava, odnosno da nisu zaključili ugovore o dodjeli grant sredstava koja potiču iz prednje navedenih izvora, te da su spremni osigurati vlastito sufinansiranje od minimalno 10% od ukupne vrijednosti odobrenih poticajnih grant sredstava po Programu.

II

Planirana sredstva za Program iznose 1.980.000,00 KM za samozapošljavanje 100 nezaposlenih osoba sa evidencije nezaposlenih u Kantonu Sarajevo.

Služba će nezaposlenim osobama, koje budu obuhvaćene ovim Programom i registruju samostalnu djelatnost, za prihvatljive troškove pokretanja samostalne djelatnosti doznačiti sredstva u iznosu od 15.000,00 KM, te mjesečno, 12 mjeseci, refundirati sredstva u iznosu od 400,00 KM, za sufinansiranje uplate zakonom propisanih poreza i doprinosa ili uplatu zakonom propisanih poreza i doprinosa u zavisnosti od vrste djelatnosti.

Korisnik sredstava ima obavezu da posluje minimalno jednu godinu, počev od dana njegove registracije, a u tom periodu nije mu dozvoljeno otuđenje osnovnih sredstava.

III

Nezaposlene osobe koje žele učestvovati u Programu dužne su podnijeti:

- a) Uredno ispunjen i potpisan Prijavni obrazac čiji je sadržaj propisan **Prilogom 1** ovog Programa, u originalu;
- b) Konačni i potpisan biznis plan sa sadržajem propisanim **Prilogom 2** ovog Programa izrađen prema ekonomskim standardima, a koji biznis plan treba da predstavlja rezultat procesa uobličenja i razvijanja kvalitetne poslovne ideje i koji obavezno treba da uključuje: ukupna sredstva za realizaciju poslovne ideje, sopstvena uložena sredstva za realizaciju poslovne ideje i poticajna grant sredstva koja podnosilac prijave traži za realizaciju poslovne ideje, s tim da u biznis planu podnosioci prijave ne smiju predvidjeti korištenje poticajnih grant sredstava za neprihvatljive troškove, te moraju predvidjeti vlastito učešće od minimalno 10% ukupne vrijednosti odobrenih poticajnih grant sredstava iz ovog Programa, u originalu;
- c) Potpisanu izjavu čiji je sadržaj propisan **Prilogom 3** ovog Javnog poziva, u originalu, ovjerenu od nadležnog organa (općina ili notarski ured);
- d) Potpisanu izjavu čiji je sadržaj propisan **Prilogom 4** ovog Javnog poziva, u originalu, ovjerenu od nadležnog organa (općina ili notarski ured);

IV

Poslovna ideja (uobličena i razvijena u biznis planu) mora biti aktivnost koja se može identificirati i registrovati kao osnovna djelatnost prema klasifikaciji djelatnosti KD BiH 2010 („Službeni glasnik BiH“, broj 47/10), a u okviru sljedećeg obuhvata šifri djelatnosti:

- a) U području C Prerađivačka industrija prema obavještenju Statistike dozvoljene šifre djelatnosti su: 10.11-10.92, 13.10-18.20, 20.11-25.30 i 25.50-33.20;
- b) U području E Opskrba vodom, uklanjanje otpadnih voda, gospodarenje otpadom te djelatnosti sanacije okoliša prema obavještenju Statistike dozvoljene šifre djelatnosti su: 38.11-38.32;
- c) U području F Građevinarstvo prema obavještenju Statistike dozvoljene šifre djelatnosti su: 41.10-43.99;
- d) U području G Trgovina (popravak motornih vozila i motocikala) prema obavještenju Statistike dozvoljene šifra djelatnosti su 45.20;
- e) U području I Djelatnosti pružanja smještaja te pripreme i usluživanja hrane (hotelijerstvo i ugostiteljstvo) prema obavještenju Statistike dozvoljene šifre djelatnosti su: 55.10-56.30;
- f) U području J Informacije i komunikacije prema obavještenju Statistike dozvoljene šifre djelatnosti su: 58.21, 58.22, 62.01, 62.02, 62.03, 62.09 i 63.11;
- g) U području M Stručne, naučne i tehničke djelatnosti prema obavještenju Statistike dozvoljene šifre djelatnosti su: 69.10-69.20 i 75.00;
- h) U području N Administrativne i pomoćne uslužne djelatnosti prema obavještenju Statistike dozvoljene šifre djelatnosti su: 79.11-79.90;
- i) U području Q Djelatnosti zdravstvene zaštite i socijalne skrbi prema obavještenju Statistike dozvoljene šifre djelatnosti su: 86.10-88.99; i
- j) U području S Ostale uslužne djelatnosti prema obavještenju Statistike dozvoljene šifre djelatnosti su: 95.11-96.03.

V

Prihvatljivi troškovi:

- a) Troškovi registracije biznisa (npr. troškovi taksi, advokatske usluge, troškovi kopiranja i ovjeravanja dokumenata, izrada pečata i sl.);
- b) Troškovi nabavke proizvodnih mašina i ostale opreme neophodne za otpočinjanie poslovanja (npr. nabavka fiskalne kase, nabavka potrebne opreme, sirovina, repromaterijala i mašina za proizvodnju, IT opreme, softvera i sl.);
- c) Uređenje i/ili zakup poslovnog prostora.

Neprihvatljivi troškovi:

- a) Osnivački kapital ukoliko je predviđeno osnivanje pravnog lica (d.o.o.);
- b) Plaće i doprinosi na plaće;
- c) Nabavka opreme i mašina od lica koja nisu registrovani poslovni subjekti, kao i nabavka opreme i mašina starijih od pet godina;
- d) Vanjski građevinski radovi i kupovina/najam osobnih vozila;
- e) Nadoknade za projektne partnere koji su angažirani na implementaciji aktivnosti;
- f) Dugovanja i rezerve za gubitke;
- g) Dugovanja po kamati;
- h) Troškovi režija i održavanja (voda, struja, grijanje, komunalni otpad, telekomunikacije, upravljanje zgradom, internet i sl.);
- i) Kupovina, obnova, rekonstrukcija, modernizacija objekata za ličnu upotrebu;
- j) Kupovina, obnova, rekonstrukcija, modernizacija objekata za najam ili prodaju;
- k) Izvršavanje radova ili osiguravanje robe, usluga, zemljišta i nekretnina za koje nije izvršeno plaćanje u gotovini, potkrijepljeno računima ili dokumentima iste dokazne vrijednosti;
- l) Doprinosi za dobrovoljna zdravstvena ili mirovinska osiguranja koji nisu obavezna prema zakonodavstvu;
- m) Kazne i troškovi sudskog spora;
- n) Plaćanja neoporezivih bonusa zaposlenima;
- o) Bankovni troškovi za otvaranje i vođenje računa, naknade za finansijske transfere i drugi troškovi u potpunosti finansijske prirode;
- p) Kamate;
- q) Trošak police osiguranja imovine (uključuje i imovinu nabavljenu iz projekta);
- r) Studijske posjete;
- s) Stavke već finansirane u sklopu nekog drugog projekta;
- t) Kupovina i iznajmljivanje zemljišta i postojećih zgrada;
- u) Troškovi konverzije, nadoknada ili gubici prilikom konverzije valuta;
- v) Kreditiranje trećih osoba;
- w) Ostali troškovi nespomenuti kao prihvatljivi i ostali troškovi koji nisu relevantni za implementaciju biznis plana.

VI

Korisnik poticajnih grant sredstava ima obavezu da po izvršenoj dodjeli sredstava u roku od 6 mjeseci dostavi dokaze o izvedenim radovima i utrošenim sredstvima za koje su odobrena sredstva po prihvaćenom biznis planu, odnosno ugovor i/ili račune kojima se dokazuje namjensko korištenje sredstava i dokaz o plaćanju dostavljenih računa (izvod iz banke), te po mogućnosti fotodokumentaciju mašina, postrojenja, opreme koja je nabavljena i prostora koji je uređen, dok troškove uplate zakonom propisanih poreza i doprinosa pravda mjesečno. Bespovratna sredstva moći će se koristiti samo za one prihvatljive troškove koji su nastali u ime i za račun poslovnog subjekta u stopostotnom vlasništvu odabranog podnosioca prijave.

VII

Na aplikante koji zadovolje sve uslove iz Programa bit će primjenjen kriterij za rangiranje – ocjena kvaliteta i tržišnog potencijala, odnosno biznis plana i maksimalan broj bodova je 100 bodova dok aplikanti koji ne ostvare više od 50 bodova neće ući u dalju proceduru dodjele sredstava.

VIII

Aplikanti kojima bude odobreno učešće u Programu će prije zaključenja Ugovora o dodjeli grant sredstava imati obavezu registracije poslovnog subjekta u njihovom stopostotnom vlasništvu, obavezu dostavljanja dokumentacije o registraciji, Izjava propisanih od strane Službe kao i bjanko ovjerenu mjenicu i odgovarajuću mjeničnu izjavu sa sadržajem mjenične izjave. Ugovorom će se urediti prava i obaveze Službe i aplikanta, obaveza pravdanja troškova za zakonom propisane poreze i doprinose, obavezu pravdanja prihvatljivih troškova i dr.

IX

Aplikacije se na osnovu gore navedenih kriterija vrednuju u Službi i utvrđuje se prijedlog liste aplikanata za učešće u Programu.

X

Rok za realizaciju Programa samozapošljavanja je 18 mjeseci od dana usvajanja listi na sjednici Vlade Kantona Sarajevo.

XI

Obrasci za podnošenje aplikacije mogu se dobiti u Odjeljenju za podsticajne mjere zapošljavanja kancelarija 15/I, općinskim biroima ili preuzeti na web stranici Službe www.szks.ba.

XII

Javni poziv ostaje otvoren do 03.08.2024.godine. Nepotpuni i neblagovremeni zahtjevi neće se uzeti u razmatranje i Služba neće vršiti povrat zaprimljene dokumentacije.

XIII

Rezultati ovog javnog poziva biće objavljeni na web stranici Službe.

XIV

Aplikacija sa biznis planom i Prilozima podnosi se neposredno ili preporučeno putem pošte Javnoj ustanovi „Služba za zapošljavanje Kantona Sarajevo“ Sarajevo, Ulica Đoke Mazalića broj 3 u zatvorenoj koverti, sa napomenom: «Za Program samozapošljavanja START UP».

Dodatne informacije mogu se dobiti u Odjeljenju za podsticajne mjere zapošljavanja, kancelarija broj 15/I i na broj telefona 033/ 569-083

